



Adran Gwleidyddiaeth
Ryngwladol

Astudiaethau israddedig mewn

Cysylltiadau Rhyngwladol a Gwleidyddiaeth

Cynnwys

Croeso	t.1
Ein cyrsiau	t.2
Graddau Cyfun	t.11
Astudio trwy gyfrwng y Gymraeg	t.13
Ymchwil	t.14
Y Cynllun Lleoliadau Seneddol	t.16
Efelychiadau gemau argyfwng	t.17
Cymdeithasau myfyrwyr	t.18
Profiadau cyn-fyfyrwyr	t.19
Cyfleoedd byd-eang	t.20
Y broses ymgeisio	t.21

Gwybodaeth bwysig

Roedd yr wybodaeth a gyhoeddwyd am y rhaglenni gradd yn y llyfryn hwn yn gywir pan anfonwyd y ddogfen i'w hargraffu (Mehefin 2025), ond fe allai newid. Cynghorir darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs, gan gynnwys ein gofynion mynediad, cyn gwneud cais, er mwyn bod yn sicr fod y cynllun yn addas i'w gofynion.

Croeso

Croeso i Adran Wleidyddiaeth Ryngwladol cynta'r byd.

Mae astudio gwleidyddiaeth ryngwladol yn gwbl angenrheidiol os am fagu dealltwriaeth drylwyr o natur ein byd cyfnewidiol. Yn wir, a ninnau bellach yn byw trwy gyfnod a nodweddir gan newid gwleidyddol arwyddocaol ar sawl lefel mae'r pwnc yn un sy'n meddu ar berthnasedd eithriadol.

Yng Nghymru, mae'r trafod ynglŷn â natur y setliad datganoli a'i oblygiadau ar gyfer polisi, gweinyddiaeth gyhoeddus ac, yn gynyddol, lefelau trethiant, yn debygol o barhau dros y blynyddoedd nesaf. Ar yr un pryd, mae'n debygol y bydd y trafodaethau hyn yn digwydd fwyfwy yng nghyd-destun newidiadau ehangach i natur gwleidyddiaeth y Deyrnas Unedig, natur cyfundrefn economaidd y wladwriaeth, a seiliau ei chyfansoddiad tiriogaethol.

Ar y llwyfan rhyngwladol, mae galw am ymateb i ystod o heriau gwleidyddol byd-eang, rhai ohonynt yn gyfarwydd ac eraill yn newydd. Er enghraifft, mae angen mynd i'r afael â newid hinsawdd, ymdrin ag ymlediad arfau niwclear ac ymateb mewn modd teg i symudiadau ym mhoblogaeth y byd. O ystyried y cyd-destun hwn, mae'n amserol i ddewis dilyn cwrs gradd mewn gwleidyddiaeth neu gysylltiadau rhyngwladol.

Mae ein hamgylchedd dysgu yn croesawu staff a myfyrwyr o bob cwr o'r byd, gan greu cymuned ryngweithiol fywiog sy'n gwneud cyfraniad hanfodol i ymchwil arloesol yr Adran sy'n sail i ddatblygiadau newydd yn y ddisgyblaeth. Rydym yn enwog am ddarparu rhagoriaeth mewn addysgu ac ymchwil, ac mae'r adran yn y 5 uchaf yn y Deyrnas Unedig am Brofiad Myfyrwyr ym mhwn Gwleidyddiaeth (Canllaw Prifysgolion Da 2025, The Times a'r Sunday Times). Mae Prifysgol Aberystwyth ar y brig yng Nghymru a Lloegr

am Brofiad Myfyrwyr (Canllaw Prifysgolion Da 2025, The Times and Sunday Times) ac 7fed yn y DU am Ansawdd y Dysgu (Canllaw Prifysgolion Da 2025, The Times and Sunday Times).

Mae ein cynlluniau gradd amrywiol yn darparu addysg ardderchog ac yn cynnig sail gadarn ar gyfer datblygu ystod o yrfaeodd llwyddiannus. Ymhlith y llwybrau mwyaf poblogaidd i'n graddedigion mae'r gwasanaeth sifil, sefydliadau rhyngwladol, mudiadau anllywodraethol, y pleidiau gwleidyddol neu waith ymchwil a lobio. Mae eraill yn mynd ati i ddatblygu gyrfaeodd yn y cyfryngau, byd y gyfraith neu fyd addysg.

Gobeithiwn y bydd y llyfryn hwn yn eich cynorthwyo i benderfynu ar y cwrs sy'n iawn i chi.

Alistair Shepherd
Pennaeth Adran



Ein cyrsiau

Anrhydedd sengl

Cysylltiadau Rhyngwladol	t.3
Cysylltiadau Rhyngwladol a Hanes Milwrol	t.4
Gwleidyddiaeth	t.6
Gwleidyddiaeth a Chysylltiadau Rhyngwladol	t.8
Cudd-wybodaeth a Diogelwch Rhyngwladol	t.10
Graddau Cyfun	t.11

Cysylltiadau Rhyngwladol

BA (Anrh) | 142L | 3 blynedd

Mae'n gyfnod cythryblus a diddorol yn ryngwladol; mae'r drefn fyd-eang yn cael ei hail-lunio wrth i achosion newydd ymddangos, megis newid yn yr hinsawdd, yn ogystal â gweithredwyr newydd, yn enwedig o'r De Byd-eang, yn herio'r strwythurau pŵer sydd eisoes wedi'u sefydlu.

Wrth astudio Cysylltiadau Rhyngwladol yn Aberystwyth, byddwch yn cymryd rhan mewn dadleuon am brif bynciau a heriau mwyaf arwyddocaol gwleidyddiaeth ryngwladol yn yr 21ain ganrif. Byddwch yn astudio'r cysyniadau, yr arferion a'r hanes sy'n ganolog i wleidyddiaeth ryngwladol, ac yn edrych ar sut mae'r holl ffactorau hyn yn cael eu trawsnewid yn radical.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Wleidyddiaeth Ryngwladol: Cysyniadau Canolog a Sgiliau Craidd
- Y Tu Ôl i'r Penawdau

Yr ail flwyddyn:

- Cysylltiadau Rhyngwladol: Safbwyntiau a Thrafodaethau

Y flwyddyn olaf:

- Traethawd Hir

I gael modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol



Cynnig nodweddiadol:
Pwyntiau tariff UCAS:
120-96
BR: 30-26



Pwyslais marcio: Fel rheol, 100% gwaith cwrs neu 50% gwaith cwrs a 50% arholiadau



Ar gael hefyd:
642L Blwyddyn integredig mewn diwydiant
242L Blwyddyn integredig yn astudio dramor
F42L Blwyddyn sylfaen integredig

Cysylltiadau Rhyngwladol a Hanes Milwrol 76% ar gael drwy'r Gymraeg

BA (Anrh) | H2VL | 3 blynedd

Ar y cwrs gradd Cysylltiadau Rhyngwladol a Hanes Milwrol byddwch yn astudio sut y mae rhyfela wedi datblygu ers cyfnod Napoleon, gan adlewyrchu newidiadau cymdeithasol a thechnolegol mawr. Byddwch yn ystyried sut a pham y mae natur rhyfel wedi newid dros y canrifoedd a hefyd sut y mae datblygiadau technolegol mawr wedi cael dylanwad, o dechnoleg ager i dechnoleg niwclear neu raglenni cyfrifiadurol cyfoes.

Bydd y cwrs gradd Cysylltiadau Rhyngwladol a Hanes Milwrol yn rhoi ichi'r cyfle i gyfrannu at drafodaethau allweddol ynglŷn â rhyfel a'i effaith ar bobl gyffredin, yn ogystal â'r amrywiaeth o ffyrdd y mae ysgolheigion yn dehongli hanes milwrol. Byddwch yn dysgu sut i ddadansoddi byddinoedd a gweithrediadau milwrol o safbwyntiau amrywiol, ac yn adfyfrio ar berthynas rhyfeloedd a byddinoedd â sefydliadau gwleidyddol, materion economaidd ac ideolegau fel cenedlaetholdeb.

Ffeithiau Allweddol



Cynnig nodweddiadol:
Pwyntiau tariff UCAS:
120-96
BR: 30-26



Pwyslais marcio: Fel rheol,
100% gwaith cwrs neu
40% gwaith cwrs a 60%
arholiadau



Ar gael hefyd::
F2VL Blwyddyn sylfaen
integredig

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Wleidyddiaeth Rhyngwladol: Cysyniadau Canolog a Sgiliau Craidd
- The Making of the Modern World: War, Peace and Revolution since 1789

Yr ail flwyddyn:

- Warfare after Waterloo: Military History 1815-1918

Y flwyddyn olaf:

- Traethawd Hir

I gael fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.



Gwleidyddiaeth 86% ar gael drwy'r Gymraeg

BA (Anrh) | L203 | 3 blynedd

Bydd astudio Gwleidyddiaeth yn Aberystwyth yn datblygu eich dealltwriaeth o gyfundrefnau a systemau gwleidyddol, actorion gwleidyddol a llywodraethau, a phrosesau i lunio penderfyniadau gwleidyddol. Cewch hefyd y cyfle i ddysgu am syniadau gwleidyddol allweddol a sut mae'r rhain yn cael eu herio a'u cwestiynu mewn gwleidyddiaeth gyfoes: grym, democratiaeth, rhyddid, anghydraddoldeb, hawliau, dinasyddiaeth, cynrychiolaeth a chyfreithlondeb.

Bydd modiwlau'n trafod dadleuon gwleidyddol cyfoes megis dyfodol y DU wedi Brexit, heriau mudo modern, twf cenedlaetholdeb poblog a dyfodol democratiaeth. Ar yr un pryd, mae cryn bwyslais ar astudio gwleidyddiaeth o bersbectif cymharol. Bydd cyfle ichi ddatblygu eich dealltwriaeth o wleidyddiaeth yn y Deyrnas Unedig, Ewrop, Gogledd America, America Ladin, Rwsia ac Asia.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Wleidyddiaeth Ryngwladol: Cysyniadau Canolog a Sgiliau Craidd
- Gwleidyddiaeth yn yr Unfed Ganrif ar Hugain

Yr ail flwyddyn:

- Pobl a Grym: Deall Gwleidyddiaeth Gymharol Heddiw

Y flwyddyn olaf:

- Traethawd Hir

I gael fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol



Cynnig nodweddiadol:
Pwyntiau tariff UCAS:
120-96
BR: 30-26



Pwyslais marcio: Fel rheol,
100% gwaith cwrs neu
50% gwaith cwrs a 50%
arholiadau



Gwleidyddiaeth a Chysylltiadau Rhyngwladol

86% ar gael drwy'r Gymraeg

BA (Anrh) | L248 | 3 blynedd

Ar y cwrs hwn, byddwch yn archwilio tirwedd wleidyddol y gorffennol a'r presennol, gan ddysgu am y cysyniadau allweddol megis pŵer, democratiaeth, rhyddid, anghydraddoldeb, hawliau, dinasyddiaeth, cynrychiolaeth a chyfreithlondeb, a sut y caiff rhain eu herio yn y byd gwleidyddol cyfoes.

Bydd y radd mewn Gwleidyddiaeth a Chysylltiadau Rhyngwladol yn Aberystwyth yn ymchwilio i wahanol systemau gwleidyddol a sefydliadau byd-eang. Byddwch yn dysgu am y grymoedd sy'n gyrru newidiadau gwleidyddol, economaidd a diwylliannol-gymdeithasol ledled y byd, ac yn archwilio'r heriau sy'n wynebu'r system ryngwladol megis globaleiddio, diogelwch rhyngwladol, yr amgylchedd, anghydraddoldeb, iechyd byd-eang, gwrthdaro a rhyfela.

Drwy gydol y cwrs, byddwch yn trafod gwahanol ddadleuon, damcaniaethau ac esboniadau amgen ac yn datblygu sgiliau dadansoddol sydd mor bwysig yn y farchnad waith.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Wleidyddiaeth Rhyngwladol I: Cysyniadau Canolog a Sgiliau Craidd
- Gwleidyddiaeth yn yr Unfed Ganrif ar Hugain
- Y Tu Ôl i'r Penawdau.

Yr ail flwyddyn:

- Cysylltiadau Rhyngwladol: Safbwyntiau a Thrafodaethau
- Pobl a Grym: Deall Gwleidyddiaeth Gymharol Heddiw.

Y flwyddyn olaf:

- Traethawd Hir

I gael fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol



Cynnig nodweddiadol:
Pwyntiau tariff UCAS:
120-96
BR: 30-26.



Pwyslais marcio: Fel rheol,
100% gwaith cwrs neu
50% gwaith cwrs a 50%
arholiadau.



Ar gael hefyd:
L249 Blwyddyn
integredig yn
astudio dramor



Cudd-wybodaeth a Diogelwch Rhyngwladol

80% ar gael drwy'r Gymraeg

BA (Anrh) | L253 | 3 blynedd

Mewn byd sy'n gynyddol ryng-gysylltiedig a chymhleth, mae gweithredwyr rhyngwladol yn wynebu ystod o heriau diogelwch. Mae'r rhain yn cynnwys gwrthdaro o fewn a rhwng gwladwriaethau, terfysgaeth fyd-eang, bygythiadau seiber, ymlediad arfau niwclear, pandemigau iechyd byd-eang, troseddu traws-wladol, dadleoli poblogaeth, trychinebau naturiol a newid hinsawdd. Bydd y radd hon yn ymwneud â syniadau o feysydd astudiaethau strategol, cudd-wybodaeth a diogelwch er mwyn deall a dadansoddi'r heriau hyn o wahanol bersbectifau, ac ymchwilio i ymatebion dyfeisgar a holistaidd.

Byddwch yn ymchwilio i gymhlethdod casglu ac asesu cudd-wybodaeth cyn ei rhannu ymysg llunwyr penderfyniadau. Byddwch yn ystyried sut mae'r broses hon a'i chynnyrch yn dylanwadu ar ymatebion i fygythiadau diogelwch. Byddwch hefyd yn cael y cyfle i werthuso pwysigrwydd gwybodaeth, cyfrinachedd a gwyliadwraeth ('surveillance') wrth ystyried y goblygiadau moesegol a deddfwriaethol sy'n deillio o ymwneud â gweithgareddau cudd-wybodaeth drwy astudiaethau achos hanesyddol.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Wleidyddiaeth Rhyngwladol: Cysyniadau Canolog a Sgiliau Craidd
- War Strategy and Intelligence

Yr ail flwyddyn:

- Strategy, Intelligence and Security in International Politics

Y flwyddyn olaf:

- Traethawd Hir

I gael fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol



Cynnig nodweddiadol:
Pwyntiau tariff UCAS:
120-96
BR: 30-28



Pwyslais marcio: Fel rheol,
100% gwaith cwrs neu
50% gwaith cwrs a 50%
arholiadau

Graddau Cyfun

Pwnc	Ar gael gyda...	Gradd Gyfun
Cysylltiadau Rhyngwladol	Almaeneg	22LR
	Drama a Theatr	42WL
	Economeg	21LL
	Ffrangeg	1FRL
	Hanes	1FVL
	Sbaeneg	4FRL
	Y Gyfraith	21LM
	Y Gymraeg	5FQL
Gwleidyddiaeth	Economeg	LL13





Astudio trwy gyfrwng y Gymraeg

Fel Adran, rydym wedi buddsoddi'n helaeth dros y blynnyddoedd yn ein darpariaeth cyfrwng Cymraeg arloesol, ac wedi cael ein cydnabod gan y Coleg Cymraeg Cenedlaethol fel prif ddarparwr y pwnc trwy gyfrwng y Gymraeg.

Rydym wedi ymrwymo i sicrhau bod modd i fyfyrwyr astudio o leiaf 80 credyd y flwyddyn trwy gyfrwng y Gymraeg. Yn ymarferol, golyga hyn bod modd astudio pedwar allan o'r chwe modiwl y disgwylir i fyfyrwyr eu hastudio bob blwyddyn trwy gyfrwng y Gymraeg. Rydym hefyd yn sicrhau bod pob myfyriwr sy'n siarad Cymraeg yn derbyn tiwtor personol a thiwtor traethawd hir sy'n medru siarad yr iaith.

Yn fyfyrwr gyda ni, bydd croeso i chi ddewis fersiynau cyfrwng Cymraeg y modiwlau bob tro, os mai dyna yw eich dymuniad. Ond, mae hefyd modd bod yn hyblyg ac amrywio cyfrwng yr astudio o fodiwl i fodiwl. Yn ogystal, fe geir hyblygrwydd o ran yr iaith y dylid ei defnyddio wrth gwblhau gwaith a asesir. Cewch ddewis cyflwyno eich gwaith trwy gyfrwng y Gymraeg neu'r Saesneg, beth bynnag fo cyfrwng dysgu'r modiwl. Mae'r

trefniadau dysgu hyn yn golygu bod ein darpariaeth cyfrwng Cymraeg yn un sy'n agored i chi beth bynnag yw eich cefndir ieithyddol.

Mae nifer o'n cynlluniau gradd yn gymwys ar gyfer ysgoloriaethau israddedig y Coleg. Ceir dau wahanol fath o ysgoloriaeth: y Prif Ysgoloriaeth sy'n agored i fyfyrwyr sy'n ymrwymo i astudio o leiaf 80 credyd (h.y. 4 modiwl) drwy gyfrwng y Gymraeg bob blwyddyn, tra mae'r Ysgoloriaethau Cymhelliant yn agored i fyfyrwyr sy'n ymrwymo i astudio o leiaf 40 credyd (h.y. 2 fodiwl) drwy gyfrwng y Gymraeg bob blwyddyn. I gael rhagor o wybodaeth am yr ysgoloriaethau hyn ac am restr o'r cynlluniau gradd sy'n gymwys, gweler wefan y Coleg Cymraeg Cenedlaethol:

www.colegcymraeg.ac.uk/cy

Ymchwil

Mae'r Adran Gwleidyddiaeth Ryngwladol ym Mhrifysgol Aberystwyth yn ganolfan ymchwil arloesol sy'n arwain yn fyd-eang ym maes cysylltiadau rhyngwladol a gwleidyddiaeth. Mae InterpolAber, fel y'i gelwir, yn adnabyddus o gwmpas y byd fel lle sy'n datblygu ffyrdd newydd o edrych ar yr heriau cenedlaethol, rhyngwladol a byd-eang sy'n ein hwynebu.

Mae ein staff a'n myfyrwyr uwchraddedig yn cynnal gwaith ymchwil i rai o'r heriau byd-eang anoddaf a phwysicach y mae cymunedau o bobl yn eu hwynebu heddiw - o gwestiynau ynglŷn â gwrthdaro, rhyfel, arfau niwclear a diogelwch i faterion sy'n ymwneud â mudo, datblygu, democratiaeth, iechyd byd-eang a'r amgylchedd. Rydym hefyd yn astudio prosesau gwleidyddol yn y Deyrnas Unedig a'i his-wladwriaethau, ac mae gennym arbenigedd rhanbarthol yng ngwleidyddiaeth y Dwyrain Canol, Rwsia, America Ladin ac America.

Ein nod drwy ein gwaith ymchwil yw datblygu safbwyntiau beiddgar newydd ynglŷn â'r modd y gellir dirnad a chyd-drafod y rhyng-gysylltiadau byd-eang o'n cwrmpas, sy'n gallu bod yn drafferthus weithiau. Wrth wneud hyn, rydym hefyd yn cydweithio â llunwyr polisi i ddatblygu syniadau newydd a chadarn a all arwain at newid. O weithio â chyfranogwyr y gymdeithas sifil i ddarparu gwybodaeth i weithredwyr cenedlaethol a byd-eang, ceisiwn sicrhau bod cyflwyno ein hymchwil i randdeiliaid perthnasol ac i'r cyhoedd wrth wraidd ein gwaith ymchwil.

Ein nod drwy ein gwaith ymchwil yw datblygu safbwyntiau beiddgar newydd ynglŷn â'r modd y gellir dirnad a chyd-drafod y rhyng-gysylltiadau byd-eang o'n cwrmpas, sy'n gallu bod yn drafferthus weithiau. Wrth wneud hyn, rydym hefyd yn cydweithio â llunwyr polisi i ddatblygu syniadau newydd a chadarn a all arwain

at newid. O weithio â chyfranogwyr y gymdeithas sifil i ddarparu gwybodaeth i weithredwyr cenedlaethol a byd-eang, ceisiwn sicrhau bod cyflwyno ein hymchwil i randdeiliaid perthnasol ac i'r cyhoedd wrth wraidd ein gwaith ymchwil.

Mae ein harbenigedd ymchwil sydd ar flaen y gad yn dylanwadau ar addysgu'r adran. Anogir y staff i ddysgu ar sail eu canlyniadau ymchwil diweddaraf yn eu hamrywiol feysydd ac, oherwydd hynny, mae'r myfyrwyr yn elwa'n uniongyrchol o'r datblygiadau ymchwil diweddaraf.

Mae'r ystod eang o safbwyntiau a diddordebau wedi'u hadlewyrchu yn yr amrywiaeth gyfoethog o grwpiau ymchwil sydd yn yr Adran. Mae'r rhain yn gwasanaethu myfyrwyr uwchraddedig a staff. Eu nod yw hwyluso arbenigedd o fewn cymunedau o arbenigwyr mewn meysydd penodol, a hynny yng nghyd-destun y gymuned ymchwil gyfeillgar yn Aberystwyth.

Caiff ymchwil newydd ei chynhyrchu gan ein myfyrwyr yn ogystal â'n staff. Er enghraifft, mae myfyrwyr sydd wedi graddio o'n rhaglen PhD wedi ennill nifer o wobrau am eu traethodau ymchwil, yn genedlaethol ac yn rhyngwladol. Mae ein myfyrwyr israddedig a'r rhai sy'n astudio am radd Meistr hefyd yn cyfrannu at ddwysedd y weithgaredd ymchwil yn Aberystwyth, a hynny drwy eu gwaith ymchwil eu hunain tra'n paratoi eu traethawd hir ac wrth gymryd rhan mewn digwyddiadau a seminarau ymchwil.



Arddangosfa 'Creating Safe Space' yn y Cenhedloedd Unedig, Efrog Newydd 29.4-3.5.24

Y Cynllun Lleoliadau Seneddol

Mae ein cynllun lleoliadau seneddol yn cynnig cyfle i rai o fyfyrwyr yr ail flwyddyn dreulio cyfnod ar brofiad gwaith naill ai yn Senedd Cymru, Caerdydd neu yn Senedd San Steffan yn Llundain. Dyma gyfle gwych i gael blas ar waith dydd-i-ddydd ein sefydliadau democrataidd.

Nifer cyfyngedig o lefydd sydd ar gael, felly mae rhaid gwneud cais a mynychu cyfweiliad yn yr adran. Y myfyrwyr llwyddiannus yw'r rhai sydd wedi dangos diddordeb brwd mewn gwleidyddiaeth yn ystod eu hastudiaethau, sy'n gallu gweithio'n ddiwyd ac yn drefnus o dan bwysau, sydd â sgiliau rhyngbersonol da ac sy'n gallu addasu yn gyflym i weithio mewn amgylchedd heriol.

Caiff ymgeiswyr llwyddiannus eu gosod gydag Aelod Senedd Cymru (Senedd Cymru, Caerdydd) neu Aelod Seneddol (Tŷ'r Cyffredin, San Steffan) am gyfnod o 4-6 wythnos dros gyfnod gwyliau'r haf fel arfer. Gall y gwaith gynnwys drafftio adroddiadau, areithiau a datganiadau i'r wasg, gweithio gyda phwyllgorau seneddol, ymgymryd â phrosiectau ymchwil neu helpu gyda gwaith etholaethol. O dro i dro ceir hefyd gyfle i gymryd rhan mewn ymgyrchoedd etholiadol ac ymateb i amryw o ddigwyddiadau gwleidyddol pwysig. Gellir derbyn cyllid gan yr Adran i helpu gyda'r costau.

Y Senedd



Efelychiadau gemau argyfwng

Yr Adran Gwleidyddiaeth Ryngwladol oedd yr adran brifysgol gyntaf yn y Deyrnas Unedig i ddefnyddio efelychiadau argyfwng fel dull o gysylltu'r gwaith dysgu ffurfiol yn y dosbarth â chymhlethdodau gwleidyddiaeth ryngwladol y byd go iawn. Cynhelir yr Efelychiadau Argyfwng o leiaf unwaith y flwyddyn, yn aml mewn lleoliadau tu hwnt i Aberystwyth, ac maent ymhlith y gweithgareddau mwyaf poblogaidd yn yr Adran.

Ymarfer chwarae rôl yw gêm argyfwng. Mae'r myfyrwyr yn wynebu 'senario' argyfwng ac yn cael eu rhoi mewn tîm - un o nifer o dimau sy'n cynrychioli'r canlynol: arweinwyr cenedlaethol, adrannau llywodraeth, corfforaethau amlwladol, cyrff anllwyddraethol, sefydliadau rhyngwladol, grwpiau parafilwrol a sefydliadau yn y cyfryngau. Mae'r timau hyn yn efelychu, mewn modd mor realistig ag y bo modd, yr ymwneud rhwng actorion fel hyn mewn argyfwng rhyngwladol. Nod yr ymarfer yw cynnig blas o gymhlethdodau gwleidyddiaeth genedlaethol a rhyngwladol a gwell gwerthfawrogiad o'r anawsterau sy'n wynebu pobl sy'n gorfod gwneud penderfyniadau gwleidyddol anodd yn ystod cyfnod o argyfwng rhyngwladol.

Yn ystod yr efelychiad mae'r myfyrwyr yn dysgu am agweddau ar wleidyddiaeth ryngwladol nad oes modd eu haddysgu mewn darlithoedd a seminarau, ac yn magu

ystod o sgiliau anacademaidd pwysig. Maent yn cynnig golwg fwy uniongyrchol ar brosesau penderfynu o dan bwysau mewn argyfwng. Yn olaf, mae'r gemau argyfwng yn eich helpu i ddatblygu a gwella sgiliau gyrfa megis rheoli prosiectau, diplomyddiaeth a negodi; adeiladu tîm ac arweinyddiaeth; rheoli gwybodaeth; datrys problemau; siarad cyhoeddus; cyflwyno; sgiliau cyfathrebu a sgiliau cyfryngau.

Yn y blynyddoedd diwethaf, mae'r gemau wedi ymdrin â sefyllfaoedd megis argyfwng arfau niwclear Gogledd Corea, rhyfel sifil Syria, etholiadau Arlywyddol yr Unol Daleithiau, proses heddwch Gogledd Iwerddon, y rhyfel rhwng Rwsia a Georgia, cyrchoedd NATO yn Affganistan, gwleidyddiaeth amgylcheddol yr Arctig, a phenderfyniad y Deyrnas Unedig i ymadael â'r Undeb Ewropeaidd.



Cymdeithasau myfyrwyr

Mae'r **Gymdeithas Gwleidyddiaeth Ryngwladol** ar gyfer myfyrwyr sydd â diddordeb mewn materion tramor a domestig. Mae'n agored i holl fyfyrwyr yr adran, ond hefyd i unrhyw un arall sydd â diddordeb mewn gwleidyddiaeth.

Mae'r cyfnodolyn materion rhyngwladol **Interstate** yn gyfnodolyn academiaidd sydd dan ofal myfyrwyr israddedig yr Adran. Mae'n rhoi sylw i faterion gwleidyddol cyfoes, ac mae'n ceisio rhoi cyfle i fyfyrwyr drafod, dadansoddi a chynnig sylwadau ar faterion byd-eang ochr yn ochr â chyfraniadau gan academyddion ac ymarferwyr blaenllaw. Bellach, mae Interstate yn cael ei gyhoeddi ddwywaith y flwyddyn ar-lein ac mewn print.

Grŵp Amrywiaeth y Myfyrwyr: Nod y grŵp yw hybu dealltwriaeth a dathlu amrywiaeth yn yr Adran gan gynnwys mewn perthynas â rhywedd, niwroamrywiaeth, crefydd, hil a rhywioldeb. Mae'n ymwneud â phwyslais yr adran ar hyrwyddo cymuned gynhwysol a pharchus. Mae'r grŵp yn penderfynu ar ei themâu yn flynyddol ac wedi trefnu digwyddiadau fel noson ffilm.

Proffiliau myfyrwyr



Ruby Morse

Gwleidyddiaeth a Chysylltiadau Rhyngwladol

Dewisais astudio yn yr adran Gwleidyddiaeth Ryngwladol yn Aberystwyth oherwydd ei henw da, hirsefydlog fel canolbwynt rhagoriaeth academiaidd, lle mae'r gwasanaethau cymorth i fyfyrwyr yn wych, ac mae'n gartref i'r adran cysylltiadau rhyngwladol gyntaf o'i math yn y byd!

Uchafbwyntiau astudio fy nghwrs hyd yma oedd cael y cyfle i fynd i sesiwn banel holi ac ateb, wyneb yn wyneb gyda Mary Jordan a Kevin Sullivan, cyd-olygyddion y Washington Post, a gwneud cais am le ar gynllun lleoliad seneddol yr adran, cynllun sy'n uchel ei barch.

Rwyf wrth fy modd yn byw yn Aberystwyth! Mae'n gydbwysedd perffaith o'r bywiog a thawel, a bywyd nos a champws prysur, ac ar yr un pryd mae mewn lleoliad glan môr hardd â phrydferthwch naturiol diddiwedd o fewn cyrraedd rhwydd. Mae Aber yn gymuned ddiogel a chlos, ag wynebau cyfeillgar a chyfarwydd ym mhob man rydych chi'n mynd!



Jacob Allen

Strategaeth, Cudd-wybodaeth a Diogelwch

Roedd Aberystwyth yn ddewis cadarn i fi oherwydd lleoliad y Brifysgol a hefyd oherwydd beth oedd gan yr adran i'w chynnig. Heblaw am allu astudio yng nghefn gwlad Cymru, mae gan yr Adran Gwleidyddiaeth Ryngwladol enw da am ei hanes ac am ansawdd yr athrawon a chyn-fyfyrwyr.

Rwyf wedi mwynhau'r cyfle i astudio amrywiaeth o bynciau. Fy uchafbwyntiau personol yw strategaeth niwclear, cudd-wybodaeth Rwsia, a hanes propaganda. Mae'r modiwlau hyn, yn enwedig, wedi fy ysbrydoli i greu fy ngwaith gorau ar gyfer fy nghwrs israddedig.



Nel Jones

Hanes Modern a Gwleidyddiaeth

Mae'r adran yn cynnig ystod eang o fodiwlau cyfoes sy'n cael eu dysgu drwy'r Gymraeg. O fewn prifysgolion eraill roedd llawer o fodiwlau Cymraeg yn derbyn darlithoedd Saesneg a seminarau Cymraeg, a gan fod gwleidyddiaeth yn bwnc gwbl newydd i mi roeddwn yn teimlo ei fod yn bwysig i mi ddysgu'r derminoleg drwy fy mamiaith.

Cyfleoedd byd-eang

Mae tîm Cyfleoedd Byd-eang Aberystwyth yn cynnig ystod gyffrous o opsiynau i chi fynd dramor yn rhan o'ch gradd: o gyrsiau byr a chyfleoedd gwirfoddoli yn yr haf, i semester lawn neu flwyddyn dramor yn astudio mewn prifysgol sy'n un o'n partneriaid. Mae ein partneriaid yn cynnwys Yr Unol Daleithiau, Awstralia, Japan, Hong Kong, Canada, Awstria, a Sbaen.

Os byddwch yn dewis astudio gyda blwyddyn integredig dramor, mae'r Brifysgol yn eich galluogi i astudio am un neu ddau semester yn ystod eich trydedd flwyddyn, gan ddychwelyd i Aberystwyth ar gyfer eich blwyddyn olaf ac i raddio.

Dengys adroddiadau bod myfyrwyr sy'n astudio dramor yn fwy deniadol i gyflogwyr ac yn ennill mwy o arian na'u cyfoedion. Beth felly am fanteisio ar gyfle anhygoel a gwella eich sgiliau holl bwysig ar yr un pryd trwy ddewis astudio dramor?



Y broses ymgeisio

1

Gwnewch gais trwy UCAS.com

Gwiriwch y dyddiad cau UCAS ar UCAS.com. Cod sefydliad Prifysgol Aberystwyth: A40. **COFIWCH:** Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.

2

Bydd y Brifysgol yn ystyried eich cynnig

COFIWCH: Defnyddiwch Hwb UCAS i gadw llygad ar eich cais. Yn Aberystwyth rydym yn ceisio gwneud penderfyniad o fewn saith diwrnod.

3

Bydd y cynnig i'w weld ar Hwb UCAS

Bydd penderfyniad y Brifysgol yn cael ei ddangos ar Hwb UCAS - os ydych wedi derbyn cynnig, fe fyddwch yn gallu gweld pa raddau sydd angen arnoch i sicrhau eich lle.

4

Penderfynwch ble i fynd

Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau Cadarn ac Wrth Gefn.

5

Llety

Pan fyddwch wedi gwneud eich dewis Cadarn/Wrth Gefn gallwch wneud cais am lety.

6

Diwrnod y canlyniadau

Bydd Hwb UCAS yn dangos os yw eich lle wedi'i gadarnhau gyda'ch Dewis Cadarn. Os nad ydych wedi cael y graddau yr oeddech yn gobeithio, gallwch ystyried gwneud cais drwy Glirio.

7

Dechreuwch bacio!

Cofwch gadw llygad ar eich e-byst am wybodaeth am eich diwrnod cyntaf a'r gweithgareddau croeso.

Adran Gwleidyddiaeth Ryngwladol,
Prifysgol Aberystwyth,
Penglais,
Aberystwyth,
SY23 3FE Cymru

+44 (0)1970 62 1537

gwleidyddiaeth@aber.ac.uk

/InterpolAber

/interpolaber

/interpolaber

InterPolAber



Wedi'u dylunio a'u cynhyrchu gan
Marchnata Byd-eang a Denu Myfyrwyr,
Prifysgol Aberystwyth 2025.



Argraffwyd ar bapur
wedi'i ailgylchu 100%